

Iiō Kāāl eo an Winfred

Jān Richard M. Romney

Māākjiin ko an Kabuñ in
(Pedped ioon juon bwebwenato emool)

“Kōm ar mour ilo juon wāween elemōhōhō” (2 Nipai 5:27).

Winfred ekar jipañ Jajja (Jibūn) kōmman kōjota.
“Mmm, I iakwe matoke,” Jajja ekar ba.

“Bar ña,” Winfred ekar ba. “Ej juon iaan iien mōñā ko remman tata ippa! Ij kōhaan pinana maroro. Im peppa ko im tōmato ko. Bōtaab mōttan eo emman tata ej sauce eo.”

“Ej bwe kōnke sauce eo ej kobaik in aolep kōnāmnām ko ilo juon wōt,” Jajja ekar ba.

Relakkar de mwijmwij pijetebōj ko. Innām Winfred ekar bōk kūtūwōn.

“Jajja,” liin ekar ba, “ekōjkan am pād wōt ilo lukkuun mōhōhō aolep iien?”

“Ij kajjieoñ in,” Jajja ekar ba. “Bōtaab ijjab mōhōhō aolep iien. Būromōj ej juon mōttan mour. Kwoj ke būromōj kiiō?”



1. Jar



2. Riiti Jeje Ko Rekwojarjar

Winfred ekar emajidjid. “Ij oñ kōn Taata (Baba), kōnke ej jermal ettojok. Im ij oñ kōn jikuul, kōnke jejjab maroñ etal ñan e kiiō. Im ij oñ kōn ro mōtta jān mōñ jar eo.”

“Ej emman ñan eñjake būromōj kōn men kein,” Jajja ekar ba. Mour ejjab aolep iien pidodo. Bōtaab ñe ij būromōj, ij kajjieoñ loor iiōk eo aō ñan mōhōhō.”

“Iiōk eo am?”

“Ejja āinwōt an wōr juon aō iiōk ñan matoke, ewōr juon aō iiōk ñan mōhōhō. Jet iien būromōj ekanoj in Jar ñan an ilok iien eo wōt.” Bōtaab emakijij aō lo bwe iiōk eo aō ej ta eo ij aikujij ñan eñjake emmanjok.”

“Ta iiōk eo am?”

Jajja ekar ettōñ dikdik. “Etke kwojjab loe ejañe kwoj maroñ pukōt juon iiōk ñan kwe make? Innām komaroñ jiroñtok eō kake.”

Boñōn jab eo ke Winfred ekar jar, liin ekar jeļā bwe Jemedwōj Ilañ ekar roñjake. Liin ekar kile bwe jar ekar kōmman bwe en mōhōhō! Liin ekar bōk juon mōttan peba im kar je, *Iiōk eo an Winfred ñan Mōhōhō. 1 Jar.* Innām liin ekar etal ñan kiki.

Jibboñōn eo tok juon liin ekar riiti Bok in Mormon. Riiti jeje ko rekwojarjar ekar kōmman an mōhōhō barāinwōt.



3. Wōr Tōmak ilo Jisōs Kraist

Liin ekar lo peba eo an im kar je, 2. *Riiti jeje ko rekwojarjar.* Innām liin ekar lale jeje ko rekwojarjar ekar kōpeļļoke ñan riiti: “Tōmak ilo Kraist” (2 Nipai 33:10).

Winfred ekar kobaitok bar juon kein kakeememej: 3. *En wōr tōmak ilo Jisōs Kraist.*

Winfred ekar jōmḡak kōn ekōjkan an emman in an Jajja kar kōļjok bwe en loļjok. Winfred ekar lo Jajja im kar ba, “Komḡool kōn am kōļjok bwe in pād ippam.”

Ba komḡool ekar kōmman an Winfred eñjake emman. Liin ekar je ilo peba eo an bar juon alen. 4 *Kwon kamḡoolol.*

Innām Winfred ekar kajitōk ippān ro rūturin ejañe ajri ro reddikjok remaroñ itok im ikkure. Liin ekar bōktok leddik eo edik jatin, Milfred, im Jaddik eo jatin edik, Alfred. Ke ekar dedeļjok aer ikkure, liin ekar karuwaineneik ajri ro ñan riit ippān. Jajja ekar kajidikdik watermalon eo ñan aolep ñan kōjjebar ippān doon.

Tokālik Winfred ekar ilok ñan loļjok eo mōttan ekar ḡa etan Happy. Ippān doon, raar kwaļkōļ kōnno ko ñan mōhōhō eo an māmḡa. Innām raar pook būloor eo. Ekar kalimomo ñan jipañ!

Ke jota ekar itok, Winfred ekar jipañ ajri ro jatin kōn katak ko aer ilo mḡweo an jikuul. Liin ekar ekkatak aļbapet ippān Milfred. Liin ekar jipañ Alfred kōn bōnbōn eo an.

Boñōn eo, Winfred ekar bar ekōnono ippān Jajja.

“Emmanjok aō eñjake rainin! Ij jōmḡak ikar lo iiōk eo aō ñan mōhōhō.”

“Emman! Jiroñ eō,” Jajja ekar ba.

“Iiōk eo ñan Mōhōhō an Winfred,” liin ekar riit. “1. Jar: 2 Riiti jeje ko rekwojarjar. 3 Wōr tōmak ilo Jisōs Kraist. 4 Kwon kamḡoolol.”

“Ej juon iiōk ekabwilōñlōñ,” Jajja ekar ba. “Bōtaab ij jōmḡak komeļjok juon men. Kar bar ta eo ekar kamōhōhōik eok rainin?”

Winfred ekar jōmḡak iumḡwin juon minit. “Ekwe, ikar limo ikkure ippān ajri ro reddik. Im jipañ Kamōhōhō im jinen. Im ekkatak ippān Milfred im Alfred. Kōttart . . . emōj ke! Jipañ ro jet ej juon iiōk aitok kitien.”

“Ejimḡwe,” Jajja ekar ba. “Jermal ñan ro jet ej āinwōt sauce—ej kobaik in aolep men ko jet remman ñan juon wōt.”

“Ej juon iiōk emman.” Winfred ekar ūjō. “Ikōḡaan kajjieoñe bar juon alen ilju.” ●

Bwebwenato in ej bōk jikin ilo Kampala, Uganda



4. Kwon Kamḡoolol

IIÖK EO AM

Ta iiōk eo am ñan mōhōhō? Kōmḡane juon laajrak, āinwōt an kar Winfred komḡane. Innām kwaļjok “iiōk” eo am ippān juon eo kwoj iakwe.